



重濬劉河圖



劉河一

南

原河自半涇
灣向南經老
虎灣再南黃
姑塘轉東南
北由紅橋灣
至袁家渡今
由半涇灣從
舊劉河取直
至袁家渡省
挑土二千八
百丈



劉河二

北

北

口外攔門沙
自南閱兵臺
前起至北砲
臺北長約數
千丈寬三四
百丈不等新
改海口自白
家廠出烟墩
港口



江南通志云劉家港在太倉州城南自崑山縣流入
境又東南七十里爲劉河口卽古婁江入海之口然
則劉家港非婁江也又云至和塘自蘇州府城婁門
東經沙湖又東入唯亭至崑山縣繞城爲濠東行北
轉一支北行而東並入婁江然則以至和塘爲婁江
者亦非也婁江宋初已湮劉家港元時始著有明一
代最爲通利足當婁江耳至明季而塞於海口之陰
沙嗣後遂屢煩濬治矣今繪圖西溯自崑山縣城東
至海口者循劉河之舊其取直之新河新開之海口
均於圖內注明

重濬劉河全案卷一



兩江總督臣陶澍江蘇巡撫臣林則徐跪

奏再江南省蘇州藩司所屬之四府一州均係水鄉且為財賦最重之區年額應徵地丁漕項正耗共銀二百餘萬兩漕白起運米一百五六十萬石賦出於田田資於水故水利最關緊要查蘇松水利以吳淞黃浦劉河為大謂之三江道光四年間臣林則徐在江蘇臬司任內欽奉

諭旨總辦三江水利因值丁憂回籍未及辦理其時將黃浦一路工程先行擇要委員挑辦嗣吳淞江淤塞僅

重濬劉河全案

卷一

一

存一綫涓流道光八年間臣陶澍在巡撫任內

奏準興挑竣事迨十一年間大水為災蘇松二屬幸有挑深之黃浦吳淞為之宣洩其劉河白茆孟瀆等河臣陶澍於吳淞收工摺內附片聲明分年籌辦嗣請借糶七年徵贖及八年帶徵緩漕為挑濬劉河之用經部駁令籌借別款因工鉅費繁別無閒款可籌覆議暫緩道光十年又經奏請將各屬緩漕搭運贖米十數萬石糶變暫行借動以為劉河孟瀆挑工經費難徵歸款仰蒙

俞允旋復籌議先挑孟瀆德勝澡港三河所需工費即於

緩漕米價銀內動支借給並聲明尙餘米價銀五萬
餘兩應照奏定之案存俟籌辦劉河湊借工用欽奉
諭旨準行在案臣等伏查劉河爲三江之一綿長七八十
里上自太湖東北迤邐而來至新陽縣界與吳淞江
分流而東遶太倉州城南歷鎮洋嘉定等界東入於
海爲農田灌溉宣洩要道自道光三年水災之後沙
泥停積蓄洩難資近來淤墊更高幾成平陸以致太
倉閭屬棉花稻穀頻歲歉收徵辦錢漕極形棘手且
下游壅塞卽爲上游蘇松一帶水道之梗若不亟加
疏濬一遇旱澇之年非淹卽涸不特民生受困抑且

重濬劉河全案

卷一

二

蠲緩賑恤入少出多於

國計尤有關係是劉河必應挑辦實爲目前萬不可緩
之工所有糶變米價餘賸銀五萬餘兩自應欽遵原
奉

諭旨畱爲湊挑劉河之用惟工長費鉅或應就款擇要先
挑或應另籌款項湊辦尙須確勘妥議臣等現飭藩
司委員悉心查勘通盤熟籌商辦俟覆到再行奏
聞理合附片陳明謹

奏

道光十三年六月初十日具

奏七月十六日奉到

硃批覽欽此

重濬劉河全案

卷一

三

兩江總督臣陶澍江蘇巡撫臣林則徐跪

奏爲劉河白茆河年久愈形淤塞議請擷節估挑以工代賑分別借

帑捐辦恭摺奏祈

聖鑒事竊照蘇松太倉等屬爲錢漕最多之區水利農田攸關重大該境有吳淞黃浦劉河卽古所謂三江其北又有白茆河自爲一大支與三江相爲表裏前此道光四年間奉

旨飭辦三江水利因高堰方興大工集夫不易僅將黃浦一路先爲挑濬道光六年復奉

重濬劉河全案

卷一

四

諭旨飭挑吳淞江其餘劉河白茆各工並經

奏明分年辦理惟因工費較鉅查道光四年奉

旨飭辦案內曾估需銀四十餘萬兩頻年籌措維艱祇有糶變米價餘贖銀五萬餘兩奏奉

恩準畱作劉河工用仍須另籌款項方可湊辦年來河道愈形淤塞農田連遭積歉更宜亟修地利以期補助天時而地方紳民先後懇請興挑呈詞盈帙察看輿情甚爲急切節經臣等飭司委員覈實勘估擷節籌辦去後茲據蘇州藩司陳鑾署臬司李彥章蘇松太道吳其泰會詳稱劉河爲古婁江源出太湖東北至

新陽縣界與吳淞江分流而東繞太倉城歷鎮洋嘉定二縣境綿長七八十里白茆河坐落常熟昭文二縣境內上承長洲元和無錫金匱江陰諸水綿長五十里均因淤塞多年幾成平陸旱澇俱無從灌漑田疇卽漸就荒蕪錢漕亦愈難徵比該兩河急需開濬實爲目前必不可緩之工但尾閘皆有峒身外高於內若必開通海口恐潮汐倒漾轉易停淤且口門皆有攔沙挑濬倍爲費力卽開通之後漲沙恐復相連今爲農田起見期於利灌漑而便疏消則莫若挑作清水長河不必求通海船旣節目前之工費且免

重濬劉河全案

卷一

五

日後之受淤其爲利益農田似有把握先經該藩司檄委署蘇州府知府陳經太倉州知州李正鼎青浦縣知縣蔡維新公同履勘估計續又添委蘇州府知府沈兆澧元和縣知縣平翰前上元縣知縣黃冕會同署太倉州知州周岱齡鎮洋縣知縣曾承顯署常熟縣知縣藍蔚雯昭文縣知縣張綬組逐段丈量分別造冊呈送並以上年秋禾被歉現值青黃不接之時小民力食維艱正宜以工代賑稟請卽時興辦復經該藩司親往覆勘劉河自吳家墳港口起至白家廠又鹽鐵老壩基起至吳家墳港又老虎灣至紅橋

灣及陶家嘴錢家嘴等處通共約計工長一萬五百一十六丈估挑面寬十丈餘尺至八丈餘尺不等底寬三丈平水面濬深九尺又南北兩岸切灘並挑土山土埂以及修築通工壩閘挖廢民田給價等項共約估銀一十六萬五千三百二十餘兩白茆河自支塘東勝橋起至海口止工長七千八百四十丈估挑面寬六丈底寬四丈深一丈所需挑濬土方并建新閘及滾水壩一座共約估銀一十一萬兩零惟兩處工程並計需款較多自應分別籌辦請將劉河借項興挑分年攤徵歸款白茆河歸於官民捐辦等情詳

重濬劉河全案

卷一

六

請具

奏前來

臣

等伏查劉河白茆河兩處均係早經勘估

奏明必應辦理之工惟從前估計係欲挑通入海而議者謂其海口高於內地潮來旋卽淤塞又謂口門現有攔沙卽極力挖通不久恐仍堵合且鑿沙通海需費太繁款項難籌是以未能興辦近因旱澇無備田畝頻至歉收若再因循此後愈難爲力且民間望沾水利與目前望賑同一急切之情尤須乘此興工乃爲一舉兩得竊思挑通海口工費旣大而能否經久轉不可知不若挑作清水河工省利長於農田實有

裨益緣三江之中黃浦吳淞兩處海口水勢皆已暢出惟因劉河白茆兩處淤塞東北一帶之水溢於平疇今將此兩處河道開通共長一百數十里可資容納正不必自闢海口而與吳淞黃浦交匯通流適足以助其建瓴之勢查劉河老鎮本有閘座可以隨時啟閉今擬於閘外白家廠之地再建滾水石壩一道以堵渾潮白茆河亦於海口縮入數段建閘築壩使潮汐泥沙平時不能壅入如遇內河水大仍可由壩上瀉出歸海則湖水有清無渾卽永遠有利無害其劉河估需土方壩工等銀十六萬五千三百餘兩係

重濬劉河全案

卷一

七

屬節省無浮除遵照

奏準之案動撥緩漕米價五萬三千餘兩外其餘銀兩查有司庫現存水利經費專款銀五萬兩本係從前議濬三江案內

奏明爲蘇省水利之用應請儘數動撥尙不敷銀六萬二千三百二十餘兩請於封貯款內借支所借之銀在於同沾水利之蘇松太三屬長洲元和吳縣吳江震澤崑山新陽華亭婁縣上海青浦太倉鎮洋嘉定寶山崇明十六州縣按照銀數均派分作八年按畝攤徵將來解還司庫除先歸米價外餘皆收作水利

經費專款以備蘇省將來續修各處水利之需仍照舊案俟收有捐監銀兩首先歸補封貯原額其應挑工段亦請循舊歸於太倉鎮洋嘉定寶山崑山新陽六州縣計畝雇夫分段承挑至白茆河估銀一十一萬兩零亦屬節省辦理惟經費有常未敢概請借

帑臣等現在率同司道府縣倡捐廉銀並諄勸常昭兩縣紳商富戶以此河既係萬不可緩之工而民情又處迫不可支之景各宜勉力捐資以工代賑該紳民等聞而感奮均各踴躍急公現已議定章程自可捐收如數臣等仍督同司道遴委廉明勤幹之員協同

重濬劉河全案

卷一

八

地方官選董集夫隨捐隨辦並責令該管道府州於兩河工程各須認真查察一俟工竣由臣林則徐親往驗收不許稍有草率偷減並不令假手胥役地保稍滋弊竇以期工歸實在利濟農田仰副

聖主爲民興利之至意除將劉河挑工取造估計報銷各冊繪圖另行

題咨外其白茆河係捐辦之工應請毋庸報銷謹合詞恭摺具

奏伏乞

皇上聖鑒訓示謹

奏

道光十四年二月二十二日具

奏道光十四年三月初七日奉

硃批另有旨欽此同日內閣奉

上諭陶澍等奏請估挑劉河白茆河以工代賑分別借帑捐辦一摺蘇松太倉等屬之劉河白茆河兩處均係早經勘估奏明必應辦理之工近年愈形淤塞據該督等查明實在情形奏請勘估興挑擗節辦理並以工代賑分別借帑捐辦著照所請所有劉河估需土方壩工等銀十六萬五千三百餘兩除動撥緩漕米價五萬三千

重濬劉河全案

卷一

九

餘兩外其餘銀兩著準其於司庫現存水利經費專款銀五萬兩儘數動撥尙不敷銀六萬二千三百二十餘兩卽著於封貯款內借支所借之銀在於蘇松太三屬之長洲元和吳縣吳江震澤崑山新陽華亭婁縣上海青浦太倉鎮洋嘉定寶山崇明十六州縣按照銀數均派分作八年按畝攤徵解還司庫除先歸米價外餘皆收作水利經費專款以備將來續修各處水利之需仍照案俟收有捐監銀兩首先歸補封貯原額其應挑工段卽著歸於太倉鎮洋嘉定寶山崑山新陽六州縣計畝雇夫分股承挑其白茆河估銀一十二萬兩零係屬

官民捐辦該督等卽督率司道遴委廉明勤幹之員協同地方官選董集夫隨捐隨辦並責令該管道府州於兩河工程均須認真查察工竣後該撫親往驗收不準稍有草率偷減並不得假手胥役地保稍滋弊竇以期利濟農田工歸實用其白茆河工程係屬捐辦之工著免其造冊報銷該部知道欽此

兩江總督臣陶澍跪

奏再三吳水利前自籌濬吳淞接挑孟瀆澡港德勝三河及太湖之鵬鶚河丹陽之湖河閘座均經次第辦理其餘支河小港隨時籌辦尙多惟劉河白茆淤塞多年籌款未竣此次劉河蒙

恩借帑興修並設法捐挑白茆開工之後適值天氣晴和以工代賑人情樂事趨公臣與撫臣分路查勘各工均極通利尙有壩座涵洞及支浦挑切不日即可全葺閭閻勸怵香花載道咸以數年來各有水患較多惟蘇松一帶幸免沈災皆由吳淞江開空流通之故

重濬劉河全案

卷一

七

感戴

皇恩淪肌浹髓臣與撫臣面商吳淞一江全河樞鑰必須來源旺盛不分其流方能衝刷沙泥積久不塞擬於上游吳江各澱再加疏濬以資遠利臣沿海履視海塘至寶山縣境各士民呈請一例加修石工以資捍衛復遣上海道吳其泰往視華亭濱海塘工亦均有應須修補之處又丹陽士民因練湖淤淺蓄水無多呈請驗修臣復順道履勘其受病之處總在上游山水衝湧易決易洩須得添建滾壩加築圩堰俾水勢歸湖而免衝潰浸淹之患現批鎮江府汪忠增督勸

民捐民辦如果能成不但裨益農田卽徒陽運河亦
緩急有需矣臣巡歷各境蘇松常太等屬勸捐賑濟
發給貧民錢米俱已三五次不等辦理安詳人情救
謐鎮江捐賑尤多其江寧省城粥廠自上冬捐設以
來統計四廠共賑過大小男婦三百七十萬二千餘
口撤廠後仍收養老幼殘疾四千餘人俟麥收時賞
遣現俱一例放散極其安靜臣查閱蘇常各營畢卽
尾催漕艘渡江北上截至本月僅贖浙船十四幫數
日內卽可渡江全竣沿途割麥插禾時雨滋潤民氣
熙恬堪以仰慰

重濬劉河全案

卷一

三

宸廑理合附片縷陳謹

奏

道光十四年五月初七日附摺具

奏道光十四年六月初三日奉到

硃批知道了欽此

江總督臣陶澍江蘇巡撫臣林則徐跪

奏爲開濬劉河併建設石壩涵洞各工全行告竣驗收如式請將格外節省餘銀疏挑上游各源流淤淺處所以資久遠並擇在工尤爲出力之官紳董事分別懇

恩獎勵恭摺奏祈

聖鑒事竊照太倉鎮洋境內之劉河爲古三江之一前因淤塞多年幾成平陸旱澇無備田畝頻至歉收爲目前必不可緩之工當經臣等會摺

奏蒙

重濬劉河全案

卷一

三

恩旨俯準借項興挑分年攤徵還款凡在蘇松太三屬得沾水利之處無不頂戴

皇仁踴躍趨事臣等轉飭司道府縣督率委員董事分段承挑勒限完竣並以工段綿長如其中有可格外節省之處亦宜隨時斟酌據實稟辦嗣據署太倉州知州周岱齡署鎮洋縣知縣曾承顯委員前上元縣知縣現署元和縣知縣黃冕等會稟原估各工土方丈尺均係覈實無浮惟河勢彎環之處若相機取直尙可加意撙節查老虎灣至紅橋灣舊河向南圍繞今由吳家墳港取直挑至小劉河口匯歸原河計可省

工一千八百餘丈又陶家嘴錢家嘴舊有河形亦俱向南繞越若再取直開挑可省工五百餘丈又原議於閘外白家廠建滾水石壩一道以禦渾潮茲查石壩固足禦潮但恐內河水大宣洩欠靈因於該壩添設涵洞五所俾潮大時將洞閉塞不使渾水漫入設遇內河水大即可全行開放宣洩入海操縱較有把握等情復經批飭妥辦卽據藩司先後報放銀兩於本年三月初八等日陸續開工幸天氣暄晴人夫雲集印委各員及董事人等皆能督率嚴催所有應挑土方於四月底卽經挑竣臣陶澍出赴蘇松閱伍之

重濬劉河全案

卷一

古

便會同臣林則徐暨藩司陳鑾到工驗收沿途香花載道欽感

皇恩歡忭異常驗量所挑丈尺有贏無絀惟河身旣已濬深則隄岸愈高轉有崩卸之處復令逐段挑切以歸一律又海口砌築石壩添設涵洞凡石料椿木錠鍋灰漿購運鳩工有需時日復飭趕緊辦理旋據太鎮二州縣暨委員具報通工全行告竣又經臣林則徐臨工覆驗河身倍見深通隄岸一律平整閘壩俱臻堅固涵洞最便蓄宣均無草率偷減情弊查劉河自吳家墳港口起至白家廠又鹽鐵老壩基起至吳家

墳港又老虎灣至紅橋灣及陶家嘴錢家嘴等處原估工長一萬五百十六丈面寬十丈餘尺至八丈餘尺不等底寬三丈平水面濬深九尺又南北兩岸切灘並挑土山土埂以及估築通工壩閘空廢民田給價等項共估銀一十六萬五千三百二十餘兩今將吳家墳陶家嘴錢家嘴等處取直開挑又省工二千四百餘丈少挑土十五萬六千餘方計通工土方連修築閘壩空廢民田給價等項共銀十三萬四百一十二兩零較之原估格外節省銀三萬四千九百兩零據蘇州藩司陳鑾請將前項節省餘銀畱辦上游淤淺處所并查明在事尤爲出力官員紳董酌議分別獎勵詳請具

奏前來臣等伏查劉河工程係屢經

奏明必應辦理之工祇因工鉅費繁有需籌措茲以濬清堵濁之法擗節估挑仰蒙

聖恩借帑興辦而相機取直則於節省之中又有節省此次工竣之後適七月二十三十四五等日蘇松一帶大雨傾盆太湖附近諸山陡發蛟水處處盛漲拍岸盈隄當卽飛飭太倉鎮洋二州縣將該壩涵洞全行啟放據稟滔滔東注兩日之內消水二尺有餘而秋汛

大潮仍無倒灌是劉河之容納與涵洞之宣洩實已
著有成效惟思三江之水無不承太湖而來而自太
湖遞至三江其中泖澱等處均係經由要道淤塞多
年前因三江尙未全疏無暇兼顧臣陶澍於順看劉
河工程片內卽經聲明尙須再濬上游各澱茲劉河
工程得以格外節省卽上游水道亟須擇要接挑又
太倉州有七浦河一道在州境東北直達海口形勢
較劉河爲小實則與爲表裏亦因年久淤塞僉懇一
律疏通此等水利工程在江蘇原不勝枚舉然其最
爲扼要之處所繫於利害者匪輕若不乘時興修脈
絡仍多阻滯竊思前項節省餘銀本係原估應行動
用之款今因逢灣取直極力省出卽畱作挑濬支河
之用實屬以公濟公合無仰懇

聖恩俯準將節省餘銀於各處淤淺河道擇要興辦所有
劉河借款仍照原估十六萬五千三百二十餘兩之
數歸於太鎮等十六州縣分年攤徵還款自足以資
遠利而愜輿情至此次挑辦劉河在工印委各員及
紳董人等均係自備資斧奮勉趨公不辭勞瘁似應
量予獎勵惟人數衆多臣等未敢悉登薦牘謹擇其
尤爲出力者開具清單恭呈

御覽如蒙

聖主鴻慈俯加鼓勵該官紳等倍加感激踴躍急公臣等亦得收指臂之效其出力稍次人員在外分別記功給獎除同時捐挑之白茆河道現亦將次全完容俟驗收另行具

奏并飭將劉河工長高寬丈尺土方夫工銀兩各項價值細數另開清單一面將太湖以下泖澱支河暨太倉州境內七浦河道委員確勘估計銀數分別詳請奏報外所有臣等驗收劉河工程緣由謹合詞恭摺具奏伏乞

重濬劉河全案

卷一

十七

皇上聖鑒訓示謹

奏

今將挑濬劉河最爲出力之官紳董事註明實在勞蹟分別開單恭呈

御覽

計開

印委各員

署太倉州知州常州府通判周岱齡元和縣知縣黃冕署鎮洋縣知縣曾承顯

以上三員黃冕總理通工土方石壩始終籌畫督催

不遺餘力周岱齡曾承顯承挑工段最長寬深逾額
更能於通工稽查彈壓整肅嚴明勞績均爲卓著查
周岱齡本係知州借補通判前於賑案城工兩次出
力奉

旨以應陞之缺卽補此次應請加給陞銜黃冕先於上元
縣任內兩次奉

旨以應陞之缺儘先陞用此次請以應陞之同知直隸州
卽補先換頂戴曾承顯係試用知縣屢署繁缺辦理
裕如應請不論繁簡遇缺卽補

蘇州府知府沈兆澧署松江府事太倉州知州李正
重濬劉河全案

卷一

六

鼎太倉州州同于翼如青浦縣知縣蔡維新試用布
政司理問曾玉衡

以上五員沈兆澧督率興工往來籌辦李正鼎先期
勘估屢次經營蔡維新履勘丈量撙節估計于翼如
曾玉衡總催全工備任勞怨均屬出力之員惟沈兆
澧係知府大員可否

賞給加銜恭候

欽定其李正鼎于翼如蔡維新曾玉衡四員均請加給陞
銜以示獎勵

鎮洋縣甘草司巡檢曾浩委用縣丞王直瀾

以上二員催工甚爲出力又經派辦石壩砌設涵洞
工堅料實悉合機宜現在外禦洪潮內洩清水著有
成效曾浩王直瀾均請以應陞之缺陞用王直瀾應
俟補缺後卽陞

署寶山縣事崑山縣知縣張連茹試用知縣龔潤森
從九品程德滋未入流吳耀曾

以上四員張連茹承挑工段格外寬深龔潤森等周
歷催工刻無間斷查張連茹現已丁憂應俟服闋後
歸部儘先選用龔潤森程德滋吳耀曾應請各以本
班儘先補用

重濬劉河全案

卷一

九

在工董事

太倉州舉人揀選知縣錢寶瑛崑山縣候選兵馬司
副指揮李增厚

查錢寶瑛係太鎮二州縣公舉總董李增厚係崑新
二縣公舉總董駐工督辦均屬經理得宜不辭勞瘁
錢寶瑛請援孟濱河董事成案加給六品頂戴李增
厚請以副指揮歸部儘先選用

道光十四年八月二十日具

奏道光十四年九月初五日奉

硃批另有旨欽此同日奉

上諭陶澍等奏開濬劉河全工告竣將尤爲出力之官紳
董事人等開單呈覽請分別獎勵一摺江蘇省太倉鎮
洋境內之劉河淤塞多年前經奏明借項興挑分年攤
徵還款茲據該督等奏稱遴委官紳董事人等分段承
挑勒限完竣原估銀一十六萬五千三百二十餘兩現
計通工土方修築閘壩完廢民田給價等項共用銀十
三萬四百二十二兩零較原估格外節省銀三萬四千
九百兩零在工印委各員及紳士董事人等均係自備
資斧奮免趨公不辭勞瘁自應量予恩施加恩著照所
請署太倉州知州常州府通判周岱齡著賞加同知銜
重濬劉河全案

卷一

三

署元和縣知縣黃冕著以同知直隸州知州卽補先換
頂戴署鎮洋縣試用知縣曾承顯著不論繁簡遇缺卽
補蘇州府丁憂知府沈兆澧著賞加道銜署松江府事
太倉州知州李正鼎著賞加知府銜太倉州州同于翼
如青浦縣知縣蔡維新試用布政司理問曾玉衡俱著
賞加知州銜鎮洋縣甘草司巡檢曾浩委用縣丞王直
瀾俱著以應陞之缺陞用王直瀾著俟補缺後卽陞署
寶山縣事崑山縣知縣張連茹著俟服闋後歸部儘先
選用試用知縣龔潤森從九品程德滋未入流吳耀曾
俱著以本班儘先補用太倉州舉人揀選知縣錢寶瑛

著賞加六品頂戴崑山縣候選兵馬司副指揮李增厚著以副指揮歸部儘先選用以示獎勵所有前項工程借撥款項著仍照原估十六萬五千三百二十餘兩之數歸於太倉鎮洋等十六州縣分年攤徵還款其節省餘銀該督等卽督飭所屬將上游各處淤淺河道擇要興挑太倉州七浦河一道亦著一律疏通以利蓄洩而備旱潦該部知道單併發欽此